

21.11.2025

Inatsisartut suleriaasianni § 37, imm. 1 naapertorlugu, matumuuna Naalackersuisunut imaattunik apeqquteqarpunga:

Naalackersuisunut apeqqutit:

- 1. Naalackersuisut Illersornissaqarfiup ullumikkut Kalaallit Nunaanni illoqarfinni nunaqarfinnilu inissiat qassit pigineraat ilisimatitsissutigisinnaavaat?**
- 2. Inissiat taakkua ilaat qassit pisortat inissiaatileqatigiiffii aqqutigalugit attartorneqarpat (INI, Iserit, Illuut A/S, kommunip ingerlatseqatigiiffiutai) – aamma qassit namminersortut aqqutigalugit attartorneqarpat?**
- 3. Inissiat taakkua ilaat qassit sulisunut aalajangersimasunut, atorfinitsitsigallarnermut kiisalu tikeraartunut sungiusaanermullu atornerqarpat?**
- 4. Ukiuni qulini kingullerni attartuinerit qanoq amerliartorsimappat?**
- 5. Namminersorlutik Oqartussat kommunillu ataatsimut isigalugit pisortanit inissiat Illersornissaqarfiup najugaqarfigisaat pillugit qanoq annertutigisumik isertitaqarpat?**

(Inatsisartunut ilaasortaq Jens NaptôK', Naleraq)

Tunngavilersuutit:

Ukiuni kingullerni erseqqissumik ilisimaneqanngilaq Illersornissaqarfiup kommunit Namminersorlutillu Oqartussat inissiaataannit pisortanit attartorneqartut qassit atornersut, aamma qanoq annertutigisumik namminersortut inissiaataanik atornersut. Tamanna illoqarfinni nunaqarfinnilu arlalinni innuttaasut sulisartut inissaqarsinnaanerannut sunniuteqarpoq.

Taamaattumik eqqoqqissaartumik nutarterneqartumillu paasissutissiinissaq pingaaruteqarpoq.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.